

ХАНИ НҮХЭСЭЛ

Биб гэгэн – гансаараа,
Бидэ гэгэн – олоороо.

Олоороо хэлсээн
Холуур ошхогүй.

Субажа ябаһан барасһаа
Сугларжа ерэгэн шаазгай хүсэтэй.

Таниһан хүн талын шэнээн,
Таняагүй хүн альганай шэнээн.

Хубаажа эдигэн
Хоол болодог.

Ургажа байхадаа,
Ногоон найхан.
Олоороо байхадаа,
Нүхэд найхан.

Найн мориндо эзэд олон.
Найн хүндэ нүхэд олон.

Олон малтай ябанхаар,
Олон нүхэдтэй ябаһан дээрэ.

Нүхэрөө хаража, бэрхэ болохо,
Нүүдэрээ хаража, гоё болохо.

Замаг ехэтэй уһанда
Загаһа жараахай олон,
Зан найтай хүндэ
Хани нүхэд олон.

Аха, дүүнэр эбтэй байбал,
Абдаршье алтан хэрэггүй.

Оолёор сабшаһан өөгүй,
Олоороо зүбшәһэн үгэгүй.

Малда эжэл хэрэгтэй,
Хүндэ нүхэр хэрэгтэй.

“Зуун нүхэдтэй хаа,
үсөөн нүхэдтэй гээшэш,
ганса дайсантай хаа,
ехэл олон дайсантай гээшэш”.
(Зүүн зүгэй оньһон үгэ).

Зуун улаан үхэртэй ябанхаар,
Зургаан хайн нүхэртэй яба.

Зуун түхэригтэй ябанхаар,
Зуун нүхэртэй яба.

www.nomoihan.com

Хүл нүхэр – эмээлтэ морин.

Мал эжэлшэдэг,
Хүн нүхэсэдэг.

Айл зон ами нэгэн,
Хотон зон хэлэ нэгэн,

Түрэл зоной түһөө нэгэн,
Эбтэй зоной эльгэ нэгэн.

Шарайн сэбэрһээ
Сэдьхэлэй сэбэр дээрэ.

Биб гэхэн гансаараа,
Бидэ гэхэн олоороо.

www.nomoihan.com